

60 Experimentbuch von
tropffen Spiritus victrioli, abents vnd
morgents ein stund vorm Essen.

Koteruhr vnd Durchlauff.

Cap. 33.

Dysente-
ria, Lien-
teria, Cē-
liaca.

Rosen knöpff mit wein getruncken.

Datteln in Essig gebeist mit Cassien
vnd Manna jedes gleichviel / Egyptische
Quitten vnd Granatäpfelschelen auch
jedes gleichviel / mit Gummi vnd Honig
kochets / vnd schlagts warm vber den Nas
bel.

Athenæus beschreibet folgendes Epi-
thema. R. Granatäpfelschelen / wilz
der Granatapffelblummen / Balauſtia
genant / Egyptische Rosen / Vermuht /
Myrthen / schneids klein / vnd legts mit
Essig vnd Eyerweiß auff den Magen.

Ein anders. R. Melilotum oder ge-
meyn steinklee / Datteln / Sel / Wachs /
Acaciesafft / Alois / vnzeitiger Oluenöl /
Galläpfel / jedes ij. vnz / Myrtenöl v. vnz
mischets wol vnder einand vnd brauchts.

Ein anders. Nemmet Bromberwur-
zel / Surnach / vnzeitige Galläpfel / wilz
den Galgant / zerstoßets / vnd legts mit
einem